



სსიპ საქართველოს ტექნიკური უნივერსიტეტის  
აკადემიური საბჭო  
დადგენილება №01-05-04/198

ქ. თბილისი

3 ნოემბერი 2020წ

საქართველოს ტექნიკური უნივერსიტეტის სტუდენტის მიერ  
გაცვლითი საერთაშორისო პროგრამის ფარგლებში, საერთაშორისო მობილობაში მონაწილეობის  
მიღების მიზნით, კონკურსის ჩატარების წესის შესახებ

„უმაღლესი განათლების შესახებ“ საქართველოს კანონის 21-ე მუხლის, საქართველოს  
განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით  
დამტკიცებული „საჯარო სამართლის იურიდიული პირის – საქართველოს ტექნიკური  
უნივერსიტეტის წესდების“ მე-8 მუხლის, რექტორის მრჩევლის, პროფესორ თამარ ლომინაძის  
სამსახურებრივი ბარათისა და აკადემიური საბჭოს 2020 წლის 3 ნოემბერი №01-05-02/31 ოქმის  
საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. დამტკიცდეს საქართველოს ტექნიკური უნივერსიტეტის სტუდენტის მიერ გაცვლითი  
საერთაშორისო პროგრამის ფარგლებში, საერთაშორისო მობილობაში მონაწილეობის  
მიღების მიზნით, კონკურსის ჩატარების წესი (დანართი);
2. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო  
სასამართლოში ადმინისტრაციულ საქმეთა კოლეგიის მეშვეობით, მდებარე: ქ. თბილისი,  
დავით აღმაშენებლის ხეივანი მე-12 კმ, №6.

აკადემიური საბჭოს თავმჯდომარე

დ. გურგენიძე

აკადემიური საბჭოს მდივანი

ი. კუტუბიძე

**საქართველოს ტექნიკური უნივერსიტეტის სტუდენტის მიერ გაცვლით  
საერთაშორისო პროგრამის ფარგლებში საერთაშორისო მობილობაში მონაწილეობის  
მიღების მიზნით კონკურსის ჩატარების წესი**

**1. რეგულირების სფერო**

1. წინამდებარე წესი არეგულირებს საქართველოს ტექნიკური უნივერსიტეტის (შემდგომში - სტუ) სტუდენტის მიერ გაცვლითი საერთაშორისო პროგრამის ფარგლებში საერთაშორისო მობილობაში (შემდგომში - საერთაშორისო მობილობა) მონაწილეობის მიღების მიზნით ჩასატარებელი კონკურსის პროცედურულ საკითხებს, შესაბამის ეტაპებსა და ვადებს, ადგენს მობილობის საერთო კონკურსში მონაწილეთა უფლებებსა და მოვალეობებს.
2. წინამდებარე წესი შესასრულებლად სავალდებულოა საერთაშორისო მობილობის დაგეგმვისა და განხორციელების პროცესში მონაწილე ყველა პირისათვის.
3. წინამდებარე წესით დადგენილი პროცედურები გამჭვირვალეა და ინფორმაცია მისი თითოეული ეტაპის შესახებ ღია, ხელმისაწვდომი და ადვილად აღქმადია დაინტერესებულ პირთათვის.

**2. კონკურსის მიზანი**

1. კონკურსის მიზანს წარმოადგენს ბაკალავრიატის, მაგისტრატურისა და დოქტორანტურის საფეხურის სტუდენტთა შერჩევა მიმდებ პარტნიორ უმაღლეს საგანმანათლებლო დაწესებულებაში (უსდ) (მათ შორის Erasmus+ პროგრამის ქვეყნის უსდ) საერთაშორისო მობილობით სასწავლებლად, შესაბამისი ინტერ-ინსტიტუციონალური (მაგ. Erasmus+ პროგრამის ფარგლებში) ან/და ბილატერალური (მაგ. სტუ-სა და და რომელიმე უსდ-ს შორის გაფორმებული ურთიერთთანამშრომლობის ხელშეკრულების ფარგლებში) ხელშეკრულებით განსაზღვრული პირობების შესაბამისად.
2. პარტნიორი უნივერსიტეტების სია შესაბამისი სამეცნიერო მიმართულებებით Erasmus + პროგრამისთვის მოცემულია ვებგვერდზე ([www.gtu.ge/erasmus+](http://www.gtu.ge/erasmus+));
3. ბილატერალური ხელშეკრულების ფარგლებში გამოცხადებული გაცვლითი პროგრამის პროექტთან დაკავშირებული კონკურსის პირობების, სააპლიკაციო პროცედურების, სათანადო დოკუმენტაციისა და ვადების შესახებ ინფორმაცია წარმოდგენილი იქნება შესაბამისი პროექტის საკონკურსო განაცხადში, პროექტის კოორდინატორის მითითებების შესაბამისად.

### 3. საკონკურსო კომისია

1. გაცვლითი პროგრამის ფარგლებში აპლიკანტების შესარჩევ საკონკურსო კომისიას ამტკიცებს სტუ-ს რექტორი.
2. კომისიის შემადგენლობაში, როგორც წესი, უნდა შედიოდნენ:
  - ვიცე-რექტორი - კომისიის თავმჯდომარე;
  - სტუ-ს ხარისხის უზრუნველყოფის სამსახურის ხელმძღვანელი / წარმომადგენელი;
  - სწავლების დეპარტამენტის უფროსი / წარმომადგენელი;
  - სასწავლო პროცესის მეთოდური უზრუნველყოფის დეპარტამენტის უფროსი / წარმომადგენელი;
  - სტუდენტთა თვითმმართველობის ხელმძღვანელი;
  - საერთაშორისო ურთიერთობათა და სტანდარტების სამსახურის ხელმძღვანელი / წარმომადგენელი;
  - 
  - შესაბამისი ფაკულტეტის დეკანი / წარმომადგენელი;
  - სამართლებრივი უზრუნველყოფის დეპარტამენტის უფროსი / წარმომადგენელი;
  - საჭიროების შემთხვევაში, მოწვეული წევრი;

### 4. კონკურსის გამოცხადება

1. გაცვლითი პროგრამის ფარგლებში, არსებული ხელშეკრულებების შესაბამისად, სტუ-ში კონკურსი ცხადდება ორ ეტაპად, შესაბამისად, გაზაფხულის ან შემოდგომის სემესტრში დაგეგმილი ERASMUS+ საერთაშორისო მობილობისთვის.
2. გაზაფხულის სემესტრში დაგეგმილი საერთაშორისო მობილობებისთვის კონკურსი ჩატარდება ნოემბერში, ხოლო შემოდგომის სემესტრში დაგეგმილი საერთაშორისო მობილობებისთვის კონკურსი ჩატარდება აპრილში.  
**შენიშვნა:** კონკურსის ჩატარების ვადები შეიძლება შეიცვალოს კონკრეტული პროექტის კოორდინატორი უსდ-ის (ERASMUS+ პროგრამის ქვეყნის უდს) მოთხოვნების შესაბამისად;
3. ინფორმაცია კონკურსის შესახებ განთავსდება სტუ-ს ვებგვერდზე ([www.gtu.ge](http://www.gtu.ge)), ასევე, ვებგვერდზე <https://gtu.ge/Suss/Programms/>; <https://gtu.ge/erasmus+>.
4. სტუ-ს საერთაშორისო ურთიერთობათა და სტანდარტების სამსახური უზრუნველყოფს მიმდინარე კონკურსების შესახებ ინფორმაციის მიწოდებას სტუ-ის სტრუქტურული ერთეულების ხელმძღვანელებისთვის;

5. სტუ-ს საერთაშორისო ურთიერთობათა და სტანდარტების სამსახური უზრუნველყოფს დაინტერესებული კონკურსანტებისთვის სააპლიკაციო პროცედურებთან დაკავშირებულ რეგულარულ კონსულტაციებს ვებგვერდზე ([www.gtu.ge/erasmus+](http://www.gtu.ge/erasmus+)) გამოქვეყნებული გრაფიკის შესაბამისად და განსაზღვრავს კონსულტაციაზე უფლებამოსილ პირს.
6. განცხადებაში მიეთითება მასპინძელი უნივერსიტეტის დასახელება, ინფორმაცია არსებული საგრანტო კვებების შესახებ, მიმართულების/პროგრამების ჩამონათვალი.
7. განაცხადის შემოტანისას, განმცხადებელი უნდა ირიცხებოდეს სტუ-ში, როგორც შესაბამისი საფეხურის სტუდენტი.
8. კონკურსში მონაწილეობის მიღება არ შეუძლიათ:
  - ბაკალავრიატში სწავლების პირველი და დამამთავრებელი წლის სტუდენტებს;  
გამონაკლისის სახით, დასაშვებია საერთაშორისო მობილობის კონკურსში მონაწილეობა საბაკალავრო პროგრამის დამამთავრებელი წლის პირველ სემესტრში;
  - სწავლების დამამთავრებელი წლის მაგისტრანტებს;  
გამონაკლისის სახით, დასაშვებია საერთაშორისო მობილობის კონკურსში მონაწილეობა სამაგისტრო პროგრამის დამამთავრებელი წლის პირველ სემესტრში;
  - სწავლების დამამთავრებელი წლის დოქტორანტებს;  
გამონაკლისის სახით, დასაშვებია საერთაშორისო მობილობის კონკურსში მონაწილეობა სადოქტორო პროგრამის დამამთავრებელი წლის პირველი სემესტრში;
  - Erasmus+ პროგრამით საერთაშორისო მობილობისას ყველა საფეხურის სტუდენტებს, რომლებსაც უკვე მიღებული აქვთ Erasmus+ გრანტი იგივე საფეხურზე და მათი მობილობის პერიოდი დაგეგმილი მობილობის ჩათვლით აღემატება 12 თვეს;
  - აკადემიური დავალიანების მქონე სტუდენტებს.

## 5. დოკუმენტები კონკურსში მონაწილეობისათვის

1. კონკურსში მონაწილეობისათვის საჭირო დოკუმენტების ჩამონათვალი, აგრეთვე შესაბამისი ფორმები Erasmus+ პროგრამისთვის განთავსებულია ვებგვერდზე ([www.gtu.ge/erasmus+](http://www.gtu.ge/erasmus+)).

2. კონკურსში მონაწილეობის მისაღებად საჭიროა შემდეგი დოკუმენტები:

- პირადობის მოწმობის /პასპორტის ასლი;
- ცნობა სტუდენტის სტატუსის შესახებ, სწავლების წლის/საფეხურის მითითებით;
- შევსებული სააპლიკაციო ფორმა (ინგლისურ ენაზე);
- EUROPASS CV (ინგლისურ ენაზე);
- სამოტივაციო წერილი (ინგლისურ ენაზე);
- საგანმანათლებლო პროგრამის ენის ცოდნის დამადასტურებელი სერტიფიკატი/ცნობა (თუ კონკურსანტს მიღებული აქვს წინა განათლება შესაბამისენოვან პროგრამაზე, სერტიფიკატი/ცნობა აღარ მოითხოვება);
- ნიშნების ფურცელი (ინგლისურ ენაზე);
- შესაბამისი ფაკულტეტის ხარისხის სამსახურის უფროსთან შეთანხმებით შევსებული და დეკანის/საგანმანათლებლო სასწავლო პროგრამების კოორდინატორის ხელმოწერით დადასტურებული ინდივიდუალური სასწავლო ხელშეკრულება (ინგლისურ ენაზე);
- სარეკომენდაციო წერილ(ებ)ი (ინგლისურ ენაზე);
- ეკონომიკური, სოციალური ან ჯანმრთელობის პრობლემის დამადასტურებელი ცნობა (არსებობის შემთხვევაში) (ინგლისურ ენაზე);
- წინა საფეხურზე მიღებული უმაღლესი განათლების დიპლომი და დანართი (არსებობის შემთხვევაში) ან აკადემიური ცნობა (ინგლისურ ენაზე);
- კვლევის გეგმა (ინგლისურ ენაზე) (დოქტორანტებისთვის, აგრეთვე, მაგისტრატურის სწავლების დამამთავრებელი წლის სტუდენტებისთვის);
- დამატებითი ინფორმაცია კონკურსანტის შესახებ (კონფერენციებში, სპორტულ, თვითშემოქმედებით და სხვა სტუდენტურ ღონისძიებებში მონაწილეობა);
- მხარდაჭერის წერილი მიმღები უნივერსიტეტის პროფესორისაგან /ადმინისტრაციული ერთეულისგან (ინგლისურ ენაზე) (ოფიციალური დოკუმენტი სავალდებულო არ არის. საკმარისია ელ-ფოსტით მიღებული თანხმობა) (მხოლოდ დოქტორანტებისთვის, აგრეთვე, მაგისტრატურის სწავლების დამამთავრებელი წლის სტუდენტებისთვის).

3. კონკურსანტი სათანადოდ შევსებულ სააპლიკაციო ფორმასა და ინდივიდუალურ სასწავლო ხელშეკრულებას წარუდგენს შესაბამისი ფაკულტეტის დეკანს, ხოლო Erasmus+ პროგრამის შემთხვევაში, თავდაპირველად შესაბამისი ფაკულტეტის დეკანს დასადასტურებლად და

შემდგომ, სტუ-ის ინსტიტუციონალურ კოორდინატორს დასადასტურებლად, მიმღები უნივერსიტეტის მოთხოვნის შესაბამისად

4. Erasmus+ პროგრამის შემთხვევაში საკონკურსო განაცხადი, რომელსაც თან არ ახლავს დეკანის/საგანმანათლებლო პროგრამების კოორდინატორის ხელმოწერით დადასტურებული ინდივიდუალური სასწავლო ხელშეკრულება, განსახილველად არ მიიღება.

## 6. საკონკურსო საბუთების მიღება და კონსულტაციები:

1. გაზაფხულის სემესტრში დაგეგმილი საერთაშორისო მობილობისთვის საკონკურსო საბუთების წარდგენის ბოლო ვადაა 15 ნოემბერი.
2. შემოდგომის სემესტრში დაგეგმილი საერთაშორისო მობილობისთვის საკონკურსო საბუთების წარდგენის ბოლო ვადაა 15 აპრილი.

### **შენიშვნა:**

*საბუთების წარდგენის ბოლო ვადები შეიძლება შეიცვალოს კონკრეტული პროექტის კოორდინატორი უსდ-ის (Erasmus+ პროგრამის ქვეყნის უსდ) მოთხოვნების შესაბამისად.*

3. დამატებითი დეტალური ინფორმაცია გამოცხადებულ კონკურსთან დაკავშირებით – ინფორმაცია კონკურსის პირობების, შემოთავაზებული საერთაშორისო მობილობის ტიპებისა და ვადების შესახებ პერიოდულად გამოქვეყნდება სტუ-ის ვებგვერდზე.
4. სტუ-ის საერთაშორისო ურთიერთობათა და სტანდარტების სამსახური უზრუნველყოფს დაინტერესებული კონკურსანტებისთვის სააპლიკაციო პროცედურებთან დაკავშირებულ კონსულტაციებს ვებგვერდზე ([www.gtu.ge/erasmus+](http://www.gtu.ge/erasmus+)) გამოქვეყნებული გრაფიკის შესაბამისად და განსაზღვრავს უფლებამოსილ პირს:
  - ოქტომბერი-ნოემბერი (გაზაფხულის სემესტრის მობილობისთვის);
  - მარტი-აპრილი (შემოდგომის სემესტრის მობილობისთვის).

## 7. ტესტირება

იმ კონკურსანტებისთვის, რომლებმაც განაცხადში არ წარმოადგინეს უცხო ენის ფლობის სათანადო სერტიფიკატი ან არ სწავლობენ შესაბამის უცხოენოვან საგანმანათლებლო პროგრამაზე, შიდა საუნივერსიტეტო ტესტირება შესაბამის უცხო ენაში ჩატარდება საუნივერსიტეტო საგამოცდო ცენტრში, შესაბამისად, 20

ნოემბრამდე (გაზაფხულის სემესტრში საერთაშორისო მობილობისთვის) ან 20 აპრილამდე (შემოდგომის სემესტრში საერთაშორისო მობილობისთვის), კომისიის გადაწყვეტილების შესაბამისად.

შენიშვნა:

*ტესტირების ვადები შეიძლება შეიცვალოს კონკრეტული პროექტის კოორდინატორი უსდ-ს (Erasmus+ პროგრამის ქვეყნის უსდ) მოთხოვნების შესაბამისად საკონკურსო ვადების ცვლილებასთან ერთად.*

## 8. კონკურსის ჩატარება

1. სააპლიკაციო განაცხადების სორტირება საკონკურსო კომისიისათვის წარსადგენად უნდა დასრულდეს 25 ნოემბრამდე (გაზაფხულის სემესტრის მობილობისთვის) ან 25 აპრილამდე (შემოდგომის სემესტრის მობილობისთვის).
2. წარდგენილი სააპლიკაციო განაცხადების განხილვა და გასაუბრების ჩატარება კომისიის მიერ უნდა მოხდეს 30 ნოემბრამდე (გაზაფხულის სემესტრის მობილობისთვის) ან 30 აპრილამდე (შემოდგომის სემესტრის მობილობისთვის).
3. კონკურსანტების შეფასება ხორციელდება შემდეგი კრიტერიუმების მიხედვით:
  - GPA (მაქს. 2 ქულა);
    - 3,0-4,0 – 2 ქულა;
    - 2,0-2,9 – 1 ქულა;
  - მიმღები უნივერსიტეტის საგანმანათლებლო პროგრამის სწავლების ენის ცოდნის დამადასტურებელი სერტიფიკატი/ცნობა/ტესტირების შედეგი (მაქს. 3 ქულა);
    - TOEFL, IELTS სერტიფიკატი – 3 ქულა;
    - შესაბამის უცხოენოვან საგანმანათლებლო პროგრამაზე სწავლა (ცნობა) – 3 ქულა;
    - შესაბამის უცხო ენაში საუნივერსიტეტო ტესტირების შედეგი 81-დან 100 ქულამდე – 2 ქულა;
    - შესაბამის უცხო ენაში საუნივერსიტეტო ტესტირების შედეგი 61-დან 80 ქულამდე – 1 ქულა;
  - EUROPASS CV (მაქს. 2 ქულა);
    - რეზიუმეში სათანადოდ არის აღწერილი აპლიკანტის უნარები, სამუშაო გამოცდილება, განათლება და სხვა საქმიანი ინფორმაცია და შეესაბამება EUROPASS CV ფორმატს – 2 ქულა;

- რეზიუმეში ზოგადად არის აღწერილი აპლიკანტის უნარები, სამუშაო გამოცდილება, განათლება და სხვა საქმიანი ინფორმაცია – 1 ქულა.
- სამოტივაციო წერილი (მაქს. 2 ქულა);
  - მოტივაცია დასაბუთებულია და სტრუქტურულად გამართულია, მიზნების, მოსალოდნელი შედეგებისა და სარგებლის თვალსაჩინო წარმოდგენით – 2 ქულა;
  - მოტივაციაში მკაფიოდ არ არის ჩამოყალიბებული და გააზრებული, თუ როგორ გამოიყენებს დარგში შეძენილ ცოდნას – 1 ქულა;
- სარეკომენდაციო წერილი (მაქს. 2 ქულა);
  - ერთი სარეკომენდაციო წერილი – 1 ქულა;
  - ორი ან მეტი სარეკომენდაციო წერილი - 2 ქულა.
- დამატებითი ინფორმაცია (მაქს. 1 ქულა).
  - წარმოდგენილია დამატებითი ინფორმაცია კონფერენციებში, სასწავლო-სამეცნიერო და სხვა სტუდენტურ ღონისძიებებში მონაწილეობის, სპორტული / კულტურულ-შემოქმედებითი აქტივობების შესახებ – 1 ქულა;
- გასაუბრების შედეგები (მაქს. 4 ქულა).
  - საკომუნიკაციო უნარები - 1 ქულა;
  - საკუთარი თავის წარმოჩენის უნარი - 1 ქულა;
  - მოტივირებულობა - 1 ქულა;
  - შესაბამის საგანმანათლებლო პროგრამაში წარმატებით ჩართვისათვის საჭირო ცოდნისა და უნარ-ჩვევების დემონსტრირება - 1 ქულა.

### შენიშვნა:

*ერთნაირი მონაცემების არსებობის შემთხვევაში, უპირატესობა მიენიჭებათ:*

- *სოციალურად დაუცველ და შეზღუდული შესაძლებლობების მქონე კონკურსანტებს;*
  - *კონკურსანტებს, რომლებსაც მანამდე არ მიუღიათ გრანტები ევროკავშირის მიერ დაფინანსებული ერაზმუს+ მობილობის პროგრამების ფარგლებში.*
4. მიმღებ პარტნიორ უსდ-ს შეუძლია განსაზღვროს თავისი პრიორიტეტები სასწავლო კურსთან დაკავშირებით, ინტერ-ინსტიტუციონალური ხელშეკრულების ფარგლებში (Erasmus+ პროგრამის შემთხვევაში).



## 9. კონკურსის შედეგები

1. კონკურსის შედეგები წარმოადგენს კონკურსანტების რანჟირებულ სიას მიღებული ქულების მიხედვით.
2. ინდივიდუალური გრანტის მოსაპოვებლად, პარტნიორი უსდ-თვის ნომინაციაში წარმოდგენილნი იქნებიან შესაბამისად რანჟირებული კონკურსანტები (სიის მიხედვით).
3. კონკურსის შედეგები კონკურსანტებს ინდივიდუალურად ეცნობებათ საკონკურსო განაცხადში მითითებული ელ. ფოსტით.

## 10. კონკურსის შედეგების გასაჩივრების პროცედურა

1. კონკურსანტს უფლება აქვს, გასაჩივროს საკონკურსო კომისიის გადაწყვეტილება კონკურსის შედეგების გამოცხადებიდან 24 საათის განმავლობაში.
2. საჩივრის განხილვის მიზნით, რექტორის ბრძანებით, იქმნება სააპელაციო კომისია.
3. განცხადება/საჩივარი წერილობითი ფორმით უნდა გაეგზავნოს სააპელაციო კომისიას.
4. სააპელაციო კომისია შედგება 3 წევრისაგან, რომლებიც არ შეიძლება იყვნენ საკონკურსო კომისიის წევრები. კომისია განიხილავს შემოსულ საჩივარს 1 დღის ვადაში. გადაწყვეტილება მიიღება ხმათა უმრავლესობით და ფორმდება სააპელაციო კომისიის ოქმით.
5. სააპელაციო კომისიის გადაწყვეტილება ეგზავნება აპელანტს რეგისტრაციისას მითითებული ელექტორნული ფოსტის მისამართზე.
6. გასაჩივრების ვადის ამოწურვიდან 3 დღის განმავლობაში სტუ ნომინანტთა შესაბამის განახლებულ რანჟირებულ სიას მოთხოვნილ დოკუმენტაციასთან ერთად უგზავნის მიმღებ უნივერსიტეტს.